

西北稀見方誌文獻

第五卷

中國西北文獻叢書



中國西北文獻叢書・第一輯

西北稀見方誌文獻

第五卷



勅脩陝西通志目錄

第八十卷

紀事五

唐

第八十一卷

紀事六

五代

第八十二卷

紀事七

金元

第八十三卷

德音一

第八十四卷

德音二

第八十五卷

陝西通志 卷首 目錄

藝文一

御製 詔誥

第八十六卷

藝文二

奏疏

第八十七卷

藝文三

表狀議象徽露布

第八十八卷

藝文四

賦上

第八十九卷

藝文五

賦下

第九十卷

藝文六

頌贊箴銘

第九十一卷

藝文七

碑記

第九十二卷

藝文八

記序

第九十三卷

藝文九

序傳書啟

第九十四卷

藝文十

論說辨考題跋祝嘏壽序雜文

第九十五卷

藝文十一

樂府古詩

第九十六卷

藝文十二

律詩

陝西通志 卷首 目錄

第九十七卷

藝文十三

排律絕句詩餘

第九十八卷

拾遺一

博古風雅間道語林

第九十九卷

拾遺二

軼事徵應訂訛瑣碎

第一百卷

拾遺三

雜詩前楷仲異藝成

後序

陝西通志第八十卷

紀事五

德宗建中元年夏六月築奉天城

術士桑道茂待詔翰林上言國家不出三年有厄會奉天有王氣宜高垣堞爲王者居使可容萬乘者德宗素驗其術詔京兆尹嚴

郢發衆數千及神策兵城之時當盛夏趣功人莫知其故及朱泚

反帝蒙難奉天賴以濟白孔六帖

二年春二月帝御望春樓勞師

田悅加兵河上河南大擾詔移京西戎兵萬二千人備關東帝御望春樓親誓師以遣之及賜宴諸將列坐酒至神策將士皆不飲帝使問之惠元時爲都將對曰臣初發奉天軍帥張巨濟與臣等

陝西通志 卷八十 紀事五

約曰斯役也將策大勳建大名凱旋之日當共爲歡苟未捷無以

飲酒故臣等不敢違約上稱歎久之降聖書慰勞舊唐書惠元傳

四年冬十月涇原節度使姚令言犯京師帝如奉天

姚令言爲涇原節度使李希烈叛圍襄城甚急十月詔令言率本鎮兵五萬赴援涇士多攜子弟而來望京師獲厚賞及師上路一

無所賜時詔京兆尹王翊犒軍士惟糲食菜餒而已軍士覆而不

顧曰吾輩將死於難而食且不飽安能以革命捍白刃耶國家環

林大盈寶貨堆積不取此以自活何往耶行至澧水乃返戈大呼

鼓譟而還以戈環令言令言急奏之上恐令內庫出繒綵二十車

馳賜之軍聲浩浩令言不能戢街市居人狼狽走竄亂兵呼曰勿

走不稅汝間架矣德宗令普王與學士姜公輔往撫勞之纔出內

門賊已斬開陣於丹鳳樓下是日德宗倉卒出幸賊縱入府庫奪

運極力而止舊唐書上與太子諸王公主自苑北門出王貴妃

以傳國寶繁衣中宦官實文場霍仙鳴帥宦官左右僅百人以從

姜公輔扣馬言曰朱泚嘗爲涇帥坐第滔之故廢處京師心常快

快亂兵若奉以爲主則難制矣請召使從行上曰無及矣遂行夜

至咸陽飯數七而過羣臣皆不知乘輿所之白志貞王朔陸贄等

追及上於咸陽上思桑道茂之言幸奉天金吾大將軍渾瑊至衆

心恃之稍安通鑑德宗幸奉天郭曙方領家兵獵苑北聞譚至伏謁

道左遂從乘輿入駱谷白孔六帖德宗將幸奉天自携火精劍出內殿

因嘆曰千萬年社稷豈爲狗鼠所竊耶遂以劍斫楹上鐵狻猊應

手而碎左右皆呼萬歲及乘輿遇夜侍從皆見上仗數尺光明郎

火精劍也杜陽雜編德宗欲西幸有知星者奏云逢林郎住帝曰豈欲

令朕止於林木間姜公輔曰不然但地亦應乃奉天尉賈隱林謁

帝於行在帝觀隱林氣色雄傑蕙是忠烈之家而名叶星者所奏

帝因召於卧內以探籌畧之淺深隱林於御榻前以手板畫地陳

攻守之策帝甚異之隱林奏曰臣昨夢日墮於地臣以頭戴日上

天帝曰朕此來也乃已前定遂拜隱林爲侍御史糾劾行在神異錄

朱泚據長安

時太尉朱泚罷鎮居晉昌里第是夜叛卒謀曰朱太尉久囚於宅

若迎爲主大事濟矣泚嘗節制涇州衆知其失權廢居快快又幸

泚寬和乃請令言率騎迎泚於晉昌里泚初遲疑以食餉之徐觀

衆言既而諸校齊至乃自第張炬火入居舍元殿舊唐書姚令言傳朱泚

反以秀實失兵必恨憤且素有人望使騎往迎秀實與子弟訣而

入泚喜曰公來吾事成矣秀實曰將士東征宴賜不豐有司過耳

人主何與知公本以忠義聞天下今變起倉卒當諭衆以禍福掃

清宮室迎乘輿公之職也泚默然秀實知不可乃陽與合唐書段秀實傳

朱泚擁徒居白華殿或教以迎天子泚顧望尋然光祿卿源休至

請間教以不臣詭稱符命泚悅張光晟李忠臣皆新失職怨望亦

勸成之朱泚傳泚反盧杞白志貞皆謂泚有功不宜首難得大臣一

人持節慰曉惡且懷德宗顧左右無敢行泚曰陛下不以臣亡能

願至賊中諭天子至意帝大悅泚退謂人曰吾知死無益而決見

賊者人臣食祿死其難所也方危時安得自計即日齋詔見泚泚

業惜逆故留敕客省不遣卒被害吳敬傳

司農卿段秀實謀誅朱泚不克死之

秀實陰結將軍劉海賓姚令言都虞侯何明禮欲圖泚會源休教

泚僞迎天子遣將韓旻領銳師三千疾馳奉天秀實以為宗社之

危不容喘遣人論大吏岐靈岳竊取令言印不獲乃倒用司農印

陝西通志 卷八十 紀事五 三

追其兵旻至駱繹得符還秀實謂海賓曰旻之來吾等無遺類我

當直搏殺賊不然則死乃約事急為繼而令明禮應於外翌日泚

召秀實計事源休姚令言李忠臣李子平皆在座秀實戎服與休

並話至僭位勃然起奪其象笏奮而前唾泚面大罵曰狂賊可磔

萬段我豈從汝反邪遂擊之中額流血蟻面匍匐走賊衆未敢動

而海賓等無至者秀實大呼曰我不同反胡不殺我遂遇害海賓

明禮靈岳皆繼為賊害帝在奉天恨用秀實不極才垂涕悔唐書

段秀實傳

朱泚遣使出潼關徵兵關將元光誅之

李夷簡為鄭縣丞遇朱泚僭逼德宗避難於奉天泚初揚言將還

車駕逆順未辨俄而遣使速出潼關行至華州鄭吏李翼縱之不

問夷簡謂翼曰朱泚必有異謀前發函隴兵五千救援襄城皆泚

之部曲也今所遣使是必遣往襄城耳上越在外未有防虞若五

千之兵倍道兼行不數日而至助泚為逆其為禍也非細不如徑

追其使若果挾徵兵之符便宜戮之翼馳往潼關及之鞠驗果有

泚符實追襄城之兵也翼言於關將元光光立斬泚使收其符遣

使間道獻於行在遂以元光為華州刺史元光不舉翼之功罕知

者冊府元龜

鳳翔衛將李楚琳叛殺其節度使張鑑以應朱泚

張鑑為鳳翔節度帝幸奉天鑑罄家貲將自獻行在而營將李楚

琳者營事朱泚得其心軍司馬齊映等謀曰楚琳必為亂乃遣屯

隴州楚琳知之稽故未行鑑以帝在外心憂惑謂已亟去不為備

楚琳夜率其黨王珍李卓牛僧伽等作亂鑑縫城走不及遠與二

子皆為候騎所執楚琳殺之唐書張鑑傳映為行軍司馬德宗出奉天

陝西通志 卷八十 紀事五 四

鑑儒緩不知兵部將李楚琳素剽悍欲介賊為亂映與齊抗請先

事誅之鑑不用更示寬大徐謂楚琳曰欲以君使外若何楚琳恐

夜殺鑑以應賊映雅為軍中慕賴故得免奔奉天授御史中丞齊映傳

建中四年帝避難遷於奉天以城隘不可以議幸鳳翔且依張

鑑戶部尚書蕭復聞之遽請見曰竊聞移幸鳳翔未審虛實帝曰

有之復曰陛下大悞鳳翔將士皆朱泚舊兵今泚悖逆此中必有

同惡相濟者臣尚慮張鑑不能久奈何擬幸鳳翔帝曰朕行計已

決試為卿駐駕一日屬鳳翔後營將李楚琳殺張鑑自為節度使

乃止冊府元龜

朱泚僭號於長安

泚大陳旗章金石於廷傳言立宗室王監國士庶競往觀泚僭尊

皇帝位於宣政殿號大秦建元應天侍衛皆卒伍諸臣在位者幾

十餘逼太常卿樊系為冊冊成仰藥死唐書朱此傳朱泚僭位長安既

據府庫之富不愛金帛以悅將士公卿家屬在城者皆給月俸神

策及六軍從車駕及哥舒曜李晟者皆給其衣糧加以繕完器械

日費甚廣及長安平府庫尚有餘蓄見者皆追怨有司之橫歛焉

文獻通考

涇原留後馮河清發甲兵輸奉天

姚令言討關東以河清知留後幕府侍御史姚況領州而行師過

關有急變德宗走奉天河清知開問名諸將計事東向哭相厲以

忠義眾義其為無敢異言即發儲糧完仗百餘乘獻行在初帝之

出六軍倉卒無良兵士氣沮及河清輸械至被堅勒兵軍聲大振

拜河清涇原節度使唐書馮河清傳李觀為右龍武將軍領兵千餘扈德

宗奉天詔盡察諸軍整飭誰違增募五千人輦槍護監士氣益振

陝西通志 卷八十 紀事五

五

李觀傳

李懷光率眾赴長安

帝待奉天懷光率所部奔命方兩淖奮厲軍士倍道進自蒲津絕

河敗泚軍於醴泉唐書李懷光傳崔縱為運使德宗出奉天方鎮兵未至

縱勸李懷光奔命悉軍財稱所須懷光兵疲久戰次河中遷延不

進縱以金帛先渡日濟者即賜眾趨利爭西崔縱傳

朱泚犯奉天留後韓游瓌及都虞侯渾瑊拒之

韓游瓌為邠寧節度留後奉天之狩游瓌與慶州刺史論惟明以

兵三千來赴自乾陵北趨醴泉未至有詔引兵屯便橋次泥泉與

泚兵值游瓌欲還奉天監軍翟文秀曰吾輩於此賊敢踰我而西

來攻取之今入奉天賊亦隨至是引賊迫天子也游瓌曰我寡賊

眾彼分以亢我猶能鼓而西也不如先入衛天子且奉天無強卒

安得夾攻遂還奉天泚兵攝攻之戰不利泚兵奪門游瓌殊死戰

乃解泚大治戰棚雲橋士皆懼游瓌曰賊取佛祠乾木為攻具可

以火之唐書韓游瓌傳渾瑊為都虞侯帝待奉天瑊率家人子弟以從換

京畿渭北節度使朱泚兵薄城戰譙門晨至日中不解或以芻車

至瑊曳車塞門焚以戰賊乃解唐書泚自是日來攻城瑊游瓌晝夜力戰

夜力戰邠州兵救瑊城者聞泚反突入潼關歸泚於奉天普潤戍

卒亦歸之有眾數萬通鑑

將軍呂希倩高重傑戰死

賊三面攻奉天渾瑊力戰禦之方退大將呂希倩死之賊自丁未

攻城至已巳二十餘日矢石不絕唐書代宗本紀帝使高重傑屯梁山禦

賊賊將李日月殺之帝拊尸哭盡哀結蒲為首以葬泚得首亦哭

曰忠臣也用三品葬焉日月銳甚自謂無前乃燒陵廟幽御物帝

陝西通志 卷八十 紀事五

六

患之渾瑊伏兵漠谷引數千騎跳攻長安泚大驚踣前瑊引却

日月尾追遇伏闕射日月殺之泚悵恨其母不哭罵曰美奴天子

負爾何事死且晚唐書朱泚傳按鑷注梁山在奉天城北五里乾陵在焉

將軍劉德信破賊眾於見子陵進軍東渭橋

汝鄭應援使劉德信將子弟軍在汝州通鑑註云是年募為節度使

信將之聞難引兵入援與泚眾戰於見子陵破之以東渭橋有轉

輸積粟進屯東渭橋通鑑按鑷注漢薄太后陵近文帝陵俗呼為見子陵

十一月隴州戍將叛歸朱泚行營留事帝討誅之

初泚鎮鳳翔既歸節而留兵五百戍隴上以部將牛雲光督之至

是雲光謀請舉為帥將劫以臣泚別將翟煜伺知以白舉雲光懼

不克率眾出奔汧陽遇泚奴使舉所謂雲光曰太尉已為天子使

我以御史中丞授舉若聽固吾人也不受遂可誅之請以兵俱許

之臯迎勞先納奴僞受泚詔即讓雲光曰既去而復何也對曰向未知公之命故去今還願與公同生死臯曰大使苟無他圖請釋甲安衆而後可入雲光以臯諸生無能為乃命士委仗鎧臯受而納其卒明日置酒大會奴雲光與其卒至臯伏兵殺之以其首狗泚復使他奴拜臯鳳翔節度使臯亦斬之

唐書帝
華傳

官軍及賊戰於漠谷敗績

建中四年十月在奉天靈武留後杜希全鹽州刺史戴休顏夏州刺史時嘗春合率兵六千赴難將至帝召宰相盧杞閣播與白志貞渾瑊同議來路利害杞與志貞以漠谷路為便瑊曰漠谷險隘必為賊所邀若取乾陵北適附栢城守固而行便取城東北鷄子堆下與城中犄角相應且分賊勢朱泚必不敢更於陵寢往來杞曰漠谷路近若慮逆賊邀擊即此出兵應接更取乾陵路過

陝西通志 卷八十 紀事五 七

陵寢城曰今朱泚圍城斬伐松柏以夜繼日驚動多矣况又城中車危諸道救兵不至唯希全等率兵赴難所繫不輕若此軍得於鷄子堆下營固守善地則朱泚可以計破杞曰陛下以順討逆豈同逆賊乎若令希全等北來即自驚陵寢白志貞復贊其言帝重違之遂命取漠谷路景子希全等軍至漠谷果為逆賊邀擊乘高以大弩巨石左右連擊殺傷頗甚

冊府元龜 按鑑注
漠谷在奉天城西兆

李晟尚可孤入援

帝出奉天有詔召晟拜神策行營節度使進臨渭北壁東渭橋

李晟
傳

晟聞上幸奉天引兵出飛狐道晝夜兼行自滿津濟軍於東渭橋有卒四千晟善於撫御與士卒同甘苦人樂從之旬月間至萬餘人神策兵馬使尚可孤將三千人在襄陽自武關入援軍於

七盤 七盤即古
統需之險 敗泚將仇敬忠遂取藍田

潼關守將李元諒克華州

李元諒為太子詹事李懷讓節度鎮國署奏以自副德宗出奉天賊遣將何望之襲華州刺史董晉棄城走望之欲聚兵以絕東道元諒自潼關引兵徑薄其城拔之時兵與倉卒裹屬為鎗刺蒿為矢募兵數日至萬餘軍氣乃振時尚可孤守藍田元諒屯昭應王權壁中渭橋賊兵不能逾渭南

唐書李
元諒傳

馬燧遣兵赴長安

燧遣軍司馬王權以兵五千走奉天又遣子彙與諸將子壁中渭橋

唐書馬
燧傳

渾瑊擊泚破走之奉天圖解

泚治攻具矢石四集如雨晝夜不息凡浹日鑿塹圍城城中死者可藉人心危惴或夜絙出援蔬本供御帝與瑊相泣泚方據乾陵

陝西通志 卷八十 紀事五 八

下瞰城翠翟紅袍左右宦人趨走宴賜拜舞又縱慢辭戲斥天子以為勝在景刻使驕環馳責大臣不識天命造雲梁廣數十丈施大輪濡氈及革胃之周布水囊為郭指城東北構水廬蒙革周置之運薪土其下將塞墜帝召瑊授以詔書千餘自御史大夫貫封五百戶而下募突將死士當賊賜瑊筆使量功署詔不足則署衣以授因曰朕與公訣矣令馬承倩往有急可奏瑊俯伏鳴咽帝撫而遣之城前與防城使侯仲莊揣雲梁所道掘大隧積馬矢及薪然之賊乘風推梁以進載數千人王師乘城者皆凍餒甲斃兵監瑊但以忠義感率使當賊人憂不支羣臣號天以禱城中矢自擢去被血而死愈厲雲梁及隧而隔風返悉焚賊皆死舉城歡譟是日詔授瑊二子官乃第賞將校泚攻城益急會李懷光奔難賊乃去

唐書李
懷光傳

懷光將抵奉天前遣裨將張韶以蠟韜表隨賊攻城

叩壘呼曰我朔方使也縋而上比登身被數十矢時帝被圍急聞之喜即持韶大號城上人心乃安又敗賊於魯店解圍去李懷光傳幸順天時順宗爲太子倉卒間嘗親執弓矢率禁軍先後導衛備嘗辛苦及賊來攻奉天城中危迫人人恟懷不自保帝朝夕自巡城傳宣慰勞督勵戰士其有用命及死事者登時與入陳奏隨加賞贈故戰士無不感激奮發氣益百倍冊府元龜

李懷光至奉天詔引軍還取長安

李懷光來赴難數與人言盧杞趙贊白志貞之姦佞且曰吾見上當誅誅之杞聞之懼言於上曰懷光勲業賊徒破膽若使之乘勝取長安此破竹之勢也今聽入朝留連累日使賊得成備恐難圖矣上以爲然詔懷光直引軍屯便橋與李建徽李晟陽惠元共取長安懷光自以數千里赴難咫尺不得見天子意殊怏怏曰吾今

陝西通志 卷八十 紀事五

九

已爲姦臣所排遂引兵行

興元元年春二月詔李晟引兵會李懷光於咸陽

李晟壁東渭橋劉德信自扈涇敗歸軍無制德信入謁晟晟責所以敗斬之以數騎入壁勞其軍無敢動晟已兵軍益振李懷光軍咸陽不欲晟當一面請與晟合有詔徙屯乃引趨陳濤斜與懷光聯壘晟每與賊戰必錦裘繡帽自表指顧陣前懷光望見惡之戒曰將務持重豈宜自表曝爲賊餌哉晟曰昔在涇原士頗相畏欲令見之奪其心爾晟說懷光進兵懷光不納每兵至都城下懷光軍多虞掠晟軍整嚴懷光使分所獲遺之又辭不敢受唐書傳李懷光屯咸陽李晟會陳濤斜壁壘未具賊大至晟說懷光曰賊保宮苑攻之良難今敢離窟穴與公薄戰此天以賊賜公也懷光曰吾馬未秣士未飯可遽戰哉晟不得已閉壁不出李懷光傳

李晟還軍東渭橋

晟說懷光進兵不納懷光謀沮撓其軍郎奏言神策兵給賜北方鎮獨厚今桀逆未平軍不可以異且衆以爲言臣無以解惟陛下裁處懷光欲晟自削其軍則士怨易撓晟曰公元帥軍政得專之晟將一軍惟所命懷光默然乃止懷光屯咸陽凡八旬帝數促戰以伺賊隙爲言卒不出兵陰通朱泚反亦寢露晟懼爲所并上言當先變制備未報會帝議幸咸陽督戰懷光大駭疑帝奪其軍圖反益急晟與李建徽陽惠元皆聯屯適有使者到晟軍晟乃令曰有詔徙屯即結陣趨東渭橋後數日懷光并建徽惠元兵惠元死之唐書陸贄爲翰林學士李懷光異志已萌欲激怒諸軍表論諸軍衣糧薄神策衣糧厚意在撓沮李晟密奏恐其有變帝憂之遣贄使懷光宣諭使還贄奏事曰賊泚勢窮援絕引日偷生懷光

陝西通志 卷八十 紀事五

十

總仗順之軍乘制勝之氣鼓行芟翦易若摧枯乃諸帥每欲進取懷光輒沮其謀據茲事情殊不可解陛下意在全護委曲聽從觀其所爲亦未知感若不別爲規畧漸相制持終恐變故難測今李晟奏請移軍適遇臣銜命宣諭懷光懷光大自矜誇已肆輕言不可中變伏望以李晟表出付中書勅下依奏別賜懷光手詔示以移軍事雖蓄異端何繇起怨臣初奉使諭旨本緣糧料不均偶屬移軍事相諧會幸懷光詭對且無阻絕之言機宜合并有幽贊一失其便後何可追幸垂察德宗初望懷光廻意破賊故累累奏移軍不許及誓累陳懷光反狀乃可晟之奏遂移軍渭橋而鄜坊節度李建徽神策行營陽惠元猶在咸陽贄慮懷光并建徽等軍又奏曰懷光當管師徒足以獨制兇寇逗留未進抑有他繇所患太彊不資傍助比者李晟請移軍就東建徽惠元勢轉孤弱爲

其吞噬理在必然今因李晟願行便違合軍同往託言晟兵素少慮為賊所邀藉此兩軍迭為犄角仍先諭旨密使促裝詔書至營即日進路懷光意雖不欲然亦計無所施是謂先人有奪人之心疾雷不及掩耳德宗曰卿所料極善然李晟移軍懷光必已惆悵若遣建徽惠元就東則足得為辭且俟旬時晟至東渭橋不旬日懷光果得兩節度兵建徽單騎遁而獲免惠元中路被執害之報至行在人情大恐翌日移幸山南冊附元龜

李懷光城咸陽移軍據之

李晟以為懷光反狀已明緩急宜有備詔加懷光太尉賜鐵券遣使諭旨懷光對使者投鐵券於地曰人臣反賜鐵券懷光不反今賜鐵券是使之反也辭氣甚悖左兵馬使張名振當軍門大呼曰太尉視賊不擊待天使不敬果欲反邪懷光曰我不反欲蓄銳以俟

陝西通志

卷八十 紀事五

十一

時耳懷光又發卒城咸陽移軍據之名振曰乃者言不反今不攻長安殺朱泚取富貴而拔軍此來何邪懷光殺之懷光潛與朱泚通謀其養子石演芬遣客詣行在告之事懷光名演芬責之曰我以爾為子奈何負我死甘心乎演芬曰天子以太尉為股肱太尉以演芬為心腹太尉既負天子演芬安得不負太尉乎苟免賊名而死死甘心矣懷光使左右饒食之皆曰義士也以刀斷其喉而去綱目

梁州迎駕使張用誠叛牙將馬勛擒殺之

德宗欲幸梁洋嚴振遣兵五千至藍屋以俟南幸其將張用誠陰謀叛背輸款於李懷光朝廷憂之會梁州將馬勛至上臨軒與之謀勛曰臣請計日至山南取節度符召之郎不受召臣當斬其首以復命上喜曰幾日當至勛對曰時而奏上勉勞而遣之勛既得

振符乃與壯士五十人偕行出驛舍用誠以為未知其叛以數百騎逐勛勛與俱之傳舍用誠左右森然勛曰天寒且休軍士左右皆退勛乃令人多焚其草以誘之軍士爭附火勛乃令人從容出懷中符示之曰大夫召君用誠惶駭起走壯士自背束其手而擒之不虞用誠之子居後引刀斫勛助左右遞承其背刀不甚下微傷勛首遂格殺其子而仆用誠於地令壯士跨其腹以刃擬其喉曰聲則死之勛馳就其軍營士已被甲執兵勛大言曰汝等父母妻孥皆在梁州棄之從人反逆將欲滅汝族耶大夫使我取張用誠不問汝輩乃何為乎眾驚伏於是縛用誠遣送洋州振杖殺之拔其二使總其眾勛以藥自封其首來復命愆約半日譚賓錄

李懷光反帝狩梁州

二月甲子李懷光反丁卯如梁州懷光將孟廷保以兵來追左衛

陝西通志

卷八十 紀事五

十二

大將軍左仲莊敗之於驛店唐書德宗本紀時部將韓游瓌將兵衛奉天懷光約令為變游瓌以聞數日又密書趣之門者捕送又遣將趙昇鸞謀於奉天昇鸞告渾瑊曰懷光遣達奚承俊火乾陵使我為內應以脅乘輿瑊白發其姦請帝幸梁州帝令瑊戒嚴未畢帝自西門出詔戴休顏守奉天懷光遣將孟廷寶意靜壽孫福率輕騎趣南山糧料使張增遇之三人計曰吾屬以叛聞不如緩兵彼怒不過不吾將耳使增給眾曰由此東吾有見糧可食也廷寶等引而東縱卒大掠百官遂入駱谷追帝不及還白懷光懷光怒悉罷其兵李懷光傳李懷光叛誘游瓌為變游瓌白發其書帝曰卿可謂忠義矣對曰臣安知忠義但懷光誤臣使震驚乘輿後持臣自解帝嘉其誠從問計欲安出對曰懷光總諸府兵怙以為亂今邠有張昕靈武有齊景翔河中有呂馬岳振武有杜從政潼關有李嗣

臣渭北有實觀皆守將也陛下以其衆與地授之罷懷光權而尊以元功諸將仰首各聽其帥彼安能以亂帝曰罷懷光權而此益張若何對曰陛下約士以平次之賞今貢賦方至發而酬之其守自固邪有萬精甲臣得將之可以誅賊四方仗義而起賊不足慮帝美其言會懷光誘復至渾瑊得書稍嚴卒以警游環不知發怒遣罵瑊帝疑有變即日幸梁州游環使子從帝韓游環傳

三月兵馬使韓游環率兵入邠州留後張昕叛討斬之

懷光假游環邠州刺史欲因張昕殺之游環既失兵不知所圖有客劉南金說曰邠有留甲可以立功始天假也游環悟誘舊部兵八百馳入邠說昕曰懷光自蹈禍機公今可取富貴無共汚不義也我願以麾下爲公先驅昕不聽游環移疾不出陰結其將高固等昕欲殺游環戒左右表甲入昕小吏李茂潛白游環伏甲先

陝西通志 卷八十 紀事五

五

起高固等應之斬昕首以聞時懷光子玟在邠游環衛出之曰殺之極以怒敵至必遽不如捨之

唐書韓游環傳懷光遣使詣邠州令張昕悉發所留兵萬餘人及行營將士家屬會涇陽仍遣其將劉澄等

將三千餘騎脅運之游環陰與諸將高固楊懷賓等相結時崔

衡以吐蕃兵營於邠南高固曰昕以衆去則邠城空矣乃詐爲渾瑊書詔吐蕃使稍逼邠城昕等懼不敢出昕謀殺諸將之不從者

游環知之先與高固舉兵殺昕

通鑑詔加李晟同平章事諸軍分屯討賊

帝自行在遣晟將張少弘口詔進晟尚書左僕射同中書門下平章事晟受命拜且泣曰京師天下本若皆執羈勒誰將復之乃繕甲兵治陣墜以圖收復是時虜提孤軍橫寇鋒銳二盜合以軋之則卑詞厚幣偽致誠於懷光者時赦唐軍更乃使張或假京兆

少尹多署吏調畿內賦不訖旬芻米告具乃陳兵下令曰國家多難見危死節自吾之分公無此時不誅元凶取富貴非英豪也渭橋斬賊首尾吾欲與公戮力一心建不世之功可乎士皆雪泣曰惟公命於是駱元光以華州之衆守潼關尚可孤以神策兵保七盤皆受晟節度戴休顏舉奉天韓游環悉邠寧軍從晟懷光始懼

奔河中

唐書李晟傳

李懷光大掠涇陽等縣

李懷光奪李建徽陽惠元等軍屯好時然其下稍稍携貳此始憚之至是遂欲臣懷光懷光怒告絕益不安乃引兵掠涇陽三原富平遂如河中

唐書李懷光傳

夏四月李懷光部將趙貴先來降

建中初裴向爲同州刺史李紇從事李懷光叛河中使其將趙貴

陝西通志 卷八十 紀事五

五

先築壘於同州紇奉奉天向領州務諸貴先軍壘以順逆之理責之貴先感悟遂來降故同州不陷向由是知名

冊府元龜

李懷光陷坊州渭北守將實觀復之

懷光使其將符嶠襲坊州據之渭北守將實觀帥獵圍七百圍之

嶠請降詔以觀爲渭北行軍司馬

通鑑

車駕次梁州

三月庚寅車駕次城固壬申至梁州

唐書德宗本紀

德宗鑾駕之幸梁

洋中書舍人齊映爲之御下洋州青源川見旌旗蔽野上心方駭

謂此兵有諸疾路者透秦嶺而要焉俄見梁帥嚴震且褰鞭拜御馬前具言君臣亂離嗚咽涕上大嘉勅令震上馬前去與朕作

主人映身本短小聲氣抑抑乃曰嚴震合與至尊尊馬御膳自有所司頃之上次洋州行在映實以儒生不達時變煙塵時須茹

息戎帥映伏奏曰山南士庶只知有嚴震不知有陛下今者天威
親臨令巴蜀士民知天子之尊亦足以盡震為臣子之節上深嘉
歎震聞特拜謝映時議許映乾麟嚴震為山南西道節度觀察等
使及朱泚竊據京城泚令腹心穆延光宋瑒等齎帛書誘結震震
集眾斬庭光等仍發兵出界至盤屋以東守禦賊竟不能為害車
駕入駱谷且無驚擾帝多遽行幸梁州山南地素貧福又連遭山
賊剽劫之後雖云十五州之地其實未敵江南三數縣戶口震志
心供應人既不擾事亦不關冊府元龜陸贄為翰林學士從待奉天恒
居中參裁可否時號內相從幸梁州帝偶與相失夜召不得詔得
贄者賞千金及來謁太子以下皆賀時機務填委書詔日數百他
學士筆閣不得下贄沛然有餘吏承寫不給皆周盡事情人人可
曉常勸帝痛自咎悔以謝天下庶叛者革心贄所行制書雖武夫

陝西通志

卷八十 紀事五

主

悍卒無不感泣思奮嘉興府志

夏四月渾瑊以吐蕃兵拔武功

渾瑊遷奉天行營副元帥帝臨軒授鉞用漢拜韓信故事制曰寇
賊干紀授爾節鉞以戢多難往欽哉瑊頓首曰敢不畢力以對揚
天子休命乃率諸軍趨京師賊韓旻拒武功瑊率吐蕃論莽羅兵
破之武亭川斬首萬級遂屯奉天以抗西面唐書渾瑊傳渾瑊率諸軍
出斜谷崔漢衡勸吐蕃出兵助之尚結贊曰邠軍不出將襲我後
韓游瓌聞之遣其將曹子達將兵三千往會瑊瑊吐蕃遣兵二萬
從之李楚琳遣將石鎧將卒七百從瑊拔武功朱泚將韓旻攻武
功鎧以其眾迎降瑊戰不利收兵登西原在武功縣西會曹子達以吐
蕃至擊旻大破之於武亭川在武功縣南斬首萬餘級旻僅以身
免瑊遂引兵屯奉天與李晟東西相應以逼長安通鑑

五月韓泚遣使貢獻至梁州

韓泚為鎮海軍節度使帝狩梁州獻縑十萬匹請以鎮兵三萬助
討賊有詔嘉勞唐書韓泚傳山南地熱上以軍士未有春服亦自御袷
衣五月鹽鐵判官王紹以江淮縑帛來至上命先給將士然後御
衫韓泚欲遣使獻綾羅四十擔詣行在幕僚何士幹請行泚喜曰
君能相為行請今日過江士幹歸別家則家之薪米儲待已羅門
庭矣登舟則資裝器用已充舟中矣每擔夫與白金一版置腰間
又運米百艘以餉李晟自負囊米置舟中將佐爭舉之須臾而畢
艘置五弩手以為防援有寇則叩舷相警五百弩已發矣比至渭
橋盜不敢近時閤中兵荒斗米五百及泚米至減五之四通鑑
神策軍節度使尚可孤及賊戰於藍田舊唐書德宗本紀尚可孤遷神策京畿渭
五月壬辰尚可孤破賊於藍田舊唐書德宗本紀尚可孤遷神策京畿渭

陝西通志

卷八十 紀事五

主

南商州節度使仇敬復來寇可孤率兵擊擒敬斬之遂進軍與副

元帥李晟策攻討可孤之師為先鋒尚可孤傳

副元帥李晟等收復京師朱泚敗走

晟遲士得姚令言崔宣謀者晟命飯飲之遣還敕曰為我謝令言
等善為賊守乃引兵叩都門賊不敢出振旅而還明日會諸將
所向眾對先拔外城然後清宮晟曰外城有里閭之隘若設伏格
戰居人囂潰非計也賊重甲精兵聚苑中今直擊之是披其心腹
將圖走不暇諸將曰善乃自東渭橋移壁光泰門以薄都城連溝
柵而賊將張庭芝李希倩求戰晟曰賊不出是吾憂也今乃冒死
來天誘之矣勒吳銳等縱兵擊賊攻華師急晟以精騎馳救中
軍譟而從大破之乘勝入光泰門再戰賊却僵尸相藉餘眾走白
華賊大哭終夜不息翌日將復戰或請待西師晟曰賊既敗當棄

機撲珍荷侯西軍是容其為計豈吾利耶乃悉軍軍光泰門使王
從李演將騎史萬頃將步抵苑北晟先夜墮苑垣為道二百步比
兵至賊已伐木塞以拒戰晟叱諸將曰安得縱賊今先斬公矣萬
頃懼先登拔柵以入從督騎繼之賊崩潰執其將段誠諫大兵分
道進雷譟震地令言庭芝希情等殊死關晟令唐良臣等步騎奔
突賊陣成輒北十餘過皆不勝賊入白華賊伏千騎出官軍背晟
以麾下百騎自馳之左右呼曰相公來賊驚潰禽賊畧盡此率殘
卒萬人西走田子奇追之餘黨悉降晟引軍屯含元外庭令軍中
曰五日內不得輒通家問違者斬遣京兆尹李齊運部長安萬年
令分慰居人秋毫無所擾坊人之遠者宿昔乃知王師之入也明
日孟涉屯白華尚可孤屯望仙門駱元光屯章敬寺晟屯安國寺
斬賊用事者及臣賊宦監於市表著節不屈者擇文武攝臺省官
陝西通志 卷八十 紀事五 七

以俟乘輿露布至梁帝感泣唐書李始張光晟以精兵壁九曲潭
東渭橋十里密約降於晟晟之入光勸泚等出奔故泚挾令言
庭芝休子平朱遂西走光晟衛出之因詣晟降朱泚王從者晟之
甥晟在師必無不從攻朱泚於光泰門賊方銳必與李演鏖戰蹀
血賊數北諸軍乘之遂大振王從李晟破賊賊與韓游瓌戴休顏
以西軍收咸陽進屯延秋門傳戴休顏遷奉天行營節度使合
渾賊兵破泚偏師追至中渭橋京師平又與賊率兵趨岐陽遂泚
殘黨加檢校尚書右僕射戴休李晟收京師次滻西元諒先奮鏖
賊敗之進屯苑東晟使壞苑垣入泚連戰皆北遂大潰京師平李
諒朱泚為晟等所敗走涇州晟遣衙前將蕪御史大夫張少烈上
收京師露布至百僚稱賀帝覽之感泣百官皆出涕稱萬歲曰晟
度奉聖護盜滌克惡古之樹勲力復都邑者往往有之至於不

宗廟不易市肆長安人不識旌旗安堵如初三代以來未之有
帝笑曰天生李晟為社稷萬民不為朕也冊府元龜

秋七月車駕次鳳翔
上問陸贄今至鳳翔有迎駕諸軍形勢甚盛因此遣人代李楚琳
何如贄上奏以為如此則事同脇執以言乎除亂則不武以言乎
務理則不誠不如俟莫枕京邑徵授一官彼將奔走不暇安敢復
勞誅鉏哉戊午車駕發漢中秋七月丙子至鳳翔斬喬琳蔣鎮張
光晟等李晟以光晟雖臣賊而滅賊亦頗有力欲全之上不許通鑑
車駕還長安

晟遣大將吳說以兵三千到寶鷄清道自請迎扈不許帝至自梁
晟以戎服見三橋帝駐馬勞之晟再拜頓首賀克殄大盜廟朝安
復已卽跪陳不能指日破賊至乘輿再狩乃臣不職之咎請死伏
陝西通志 卷八十 紀事五 大

道左帝為掩涕命給事中齊映起之使就位有詔賜第永崇里涇
陽上田延平門之林園女樂一列晟入第京兆供帳教坊鼓吹迎
導詔將相送之帝紀其功自文於碑敕皇太子書立於東渭橋以
示後世又令太子錄副以賜始晟屯渭橋也榮感守歲久乃退府
中皆賀曰榮感退國家之利連用兵者昌晟曰天子暴露人臣當
力死勤難安知天道耶至是乃曰前士大夫勸晟出兵非敢拒也
且人可用而不可使之知也夫惟五緯盈縮不常晟懼復守歲則
我兵不戰自屈矣皆曰非所及也唐書李七月壬午至長安渾瑊
韓游瓌戴休顏以其眾扈從李晟駱元光尚可孤以其眾奉迎步
騎十餘萬旌旗數十里晟謁見上於三橋上駐馬慰撫至宮每聞
日報宴勲臣李晟為首渾瑊次之諸將相又次之通鑑
八月遣渾瑊等討李懷光軍於同州

上命渾瑊駱元光討李懷光懷光遣其將徐庭光以精卒六千軍長春宮以拒之通鑑

冬十月懷光遣兵寇同州官軍敗績

丙辰李懷光將閭宴寇同州官軍敗於沙苑詔徵邠州之兵韓游瓌將甲士六千赴之通鑑

十二月渾瑊及李懷光戰於乾坑敗績

十二月乙酉渾瑊及李懷光戰於乾坑敗績唐書德宗本紀○按乾坑在今同州境

貞元元年夏四月馬燧渾瑊破李懷光兵於長春宮

四月壬午馬燧渾瑊破懷光兵於長春宮南遂掘塹圍宮城懷光諸將相繼來降詔以燧瑊為招撫使韓游瓌請兵於渾瑊共取朝邑懷光將閭宴欲爭之士卒指邠軍曰彼非吾父兄則吾子弟奈何以白刃相向乎語甚囂宴遽引兵去懷光知眾心不從乃詐稱

陝西通志 卷八十 紀事五

亢

秋歸國聚貨財飾車馬云俟路通入貢由是得復踰旬月時連年旱蝗資糧匱竭言者多請赦懷光李晟上言赦懷光有五不可但款諸道圍守旬時必有內潰之變何必養腹心之疾為他日之悔哉馬燧入朝奏稱懷光凶逆尤甚赦之無以令天下願得一月糧必為陛下平之上許之通鑑

秋八月馬燧取長春宮

賊將徐庭光守長春宮城燧度長春不下則懷光固守久攻所傷必眾乃挺身至城下見庭光庭光再拜燧曰公等朔方士自祿山以來功高天下奈何棄之為賊族計若從吾言非止免禍富貴可遂也未對燧曰爾以吾為欺耶今不遠數步可射我拔而示之心廷光感泣一軍皆流涕即率眾降燧以數騎入其城眾大呼曰吾輩等更為王人矣渾瑊亦自以為為不及也嘗疑馬公能窘田悅今

觀其制敵有過人者吾不逮遠矣進營焦離堡堡將降徐庭望風遁去燧濟河賊將牛名俊斬懷光降河中平唐書馬燧傳

二年夏四月韓滉運米至關中給軍

關中倉庫竭禁軍或自脫巾呼於道曰拘吾於軍而不給糧吾罪人也會韓滉運米三萬斛至陝上喜至東宮謂太子曰米至陝吾父子得生矣時禁中不釀命於坊市取酒為樂至是麥始熟市有醉人當時以為嘉瑞通鑑

秋八月吐蕃入寇遣兵屯咸陽

貞元二年八月吐蕃寇涇隴邠寧數道掠人畜取禾稼西境騷然諸道節度及軍鎮咸閉壁自守而已京師戒嚴上遣左將軍張獻甫與神策將李昇疊蘇清沔等屯於咸陽召節度駱元光率眾咸陽以援之舊唐書吐蕃傳

陝西通志 卷八十 紀事五

干

九月吐蕃逼好時鳳翔節度使上遣兵於汧陽敗之

九月以吐蕃遊騎及好時上復遣張獻甫屯於咸陽鳳翔節度使李晟以吐蕃侵軼遣其將王必夜襲賊營率驍勇三千人入汧陽戒之曰賊之大眾當過城下甚勿擊其首尾首尾雖敗中軍力全若合勢攻之汝必受其弊候其前軍已過見五方旗虎豹衣則其中軍也出其不意乃是奇功必如其言擊之眾果敗副將史廷光力戰死之又寇鳳翔城下李晟出兵禦之一夕而退十月李晟遣兵襲吐蕃之堆沙堡大破之焚其儲積斬蕃酋屈律設贊等七人傳首京師舊唐書吐蕃傳

十二月吐蕃陷緣邊諸州以馬燧為招討使

吐蕃陷夏州刺史托拔乾暉率眾而去據其城又寇麟州州素無城壁人皆奔散舊唐書吐蕃傳十二月馬燧為綏銀麟勝招討使唐書德宗本紀

三年春正月。西戎兵自邠州叛歸討斬之。

陳儂奇舉淮西監軍兵於京西防秋。會儂奇為吳少誠所殺。少誠密遣人召門槍兵。使吳法超等使引兵歸蒲。不之知。法超等遂引步騎四千自鄭山叛歸。渾瑊使其將白娑勒追之。反為所敗。上急遣中使勅陝虢觀察使李泌發兵防遏。泌遣將伏猛擊之。

二月復夏州。

二月己卯。華州潼關節度使駱元光克夏州。唐書德宗本紀

八月吐蕃寇隴州。刺史韓清汚敗之。吐蕃率羗渾之眾犯塞。分為三。道其一趨隴州。一趨汧陽之東。一趨鈞竿原。連營數十里。其汧陽賊營距鳳翔四十里。士庶奔駭。賊遣羗渾之眾衣漢戎服。假稱邢君牙之眾。奄至吳山及寶鷄北界。

陝西通志 卷八十 紀事五

三

焚燒廬舍。驅掠人畜百姓。壯者驅之以歸。羸老者咸殺之。或斫手鑿目棄之。而去。初李晟在鳳翔。令伐大木塞安化峽。及是賊並焚之。九月詔神策軍將石季章以眾三千戍武功。唐良臣戍百里城。是月吐蕃大掠汧陽吳山。通鑑註吳山縣屬隴州。隋長武縣地。等界人庶男女萬餘口。渾瑊遣其將任蒙王以眾三千戍好畤。吐蕃復至。圖隴州。刺史韓清汚與蘇太平夜出。伏於大像龍。及夜半。令城中及龕各舉火相應。賊大驚。因襲其官賊乃退散。唐書德宗本紀

冬十月吐蕃寇長武城。

十月吐蕃數千騎復至長武城。韓全義率眾禦之。韓游瓌之將請以眾助之。游瓌不許。及暮。賊退。全義亦引還。自是賊之騎常往來邠涇之間。諸城西門無敢啟者。唐書德宗本紀

四年夏五月吐蕃入寇。韓全義禦之於長武。

四年五月。虜三萬騎。畧涇邠寧慶鄜五州之鄙。焚吏舍。民間係執數萬。韓全義以陳許兵戰。長武無功。初吐蕃盜塞。畏春夏疾疫。嘗以盛秋及是。得唐俘多厚。給產質其犒。故盛夏入邊。唐書吐蕃傳

韋士元貞元四年四月。與盧寧等四人白晝挾弓操劍於萬年縣。營樂坊盜縣吏捕之。士元等突殺吏。步相自延興門逸。焉六月。士元棄市。居賊人幽王孫湛。絞士元既死。其黨盧寧梁劍等三人。劫近城村。廬射殺捕吏。居人多棄業。投城德宗乃發神策善弩騎。與長安萬年縣官率人吏具器械急捕之。又射殺神策將及縣吏二十餘人。以刃殺一人。奪弩犯圍而逸。又遣神策兵二百人助之。居數日。偷長梁劍以中矢死。南山下得其屍。送之。盧寧等二十人竟失所在。冊府元龜

陝西通志 卷八十 紀事五

三

五年夏吐蕃寇長武。

吐蕃寇長武。城韓全義敗之於佛堂原。唐書德宗本紀

六年春二月詔葬佛骨於岐陽。

初岐陽有佛指骨寸餘。葬於無憂王寺。或奏請出之。以示眾。帝乃出之。置於禁中。精舍又送於京師。佛寺傾都瞻拜。施財物累鉅萬。是日命中官送歸岐陽。神策行營節度使鳳翔尹邢君牙迎護。美於舊所。冊府元龜

十二年秋九月帝如魚藻宮。

貞元十二年九月癸卯。幸魚藻宮。即日還宮。冊府元龜

十三年夏四月帝如興慶宮。

貞元十三年四月壬戌。幸興慶宮。龍堂求雨。七月辛酉。魚藻宮池先深一丈。更掘加四尺。冊府元龜

十四年夏閏五月長武城軍亂都虞侯高崇文討平之

閏五月庚申以神策行營節度使韓全義為夏綏銀宥節度使全義時屯長武城詔率其眾赴鎮士卒以夏州磧鹵又盛夏不樂從居辛酉軍亂殺大將軍王栖巖全義踰城走都虞侯高崇文誅首亂者眾然後定崇文幽州人也丙子以崇文為長武城都知兵馬使不降勅令中使口宣授之通鑑

秋七月吐蕃陷麟州

吐蕃陷麟州殺刺史郭鋒湮湟陁陣係居人掠党項諸部屯橫槽

唐書吐蕃傳

十八年冬十月鄜坊軍亂都虞侯裴玢討平之

十月己酉鄜坊節度使王栖曜薨中軍將何朝宗謀作亂夜縱火都虞侯裴玢潛匿不救火旦擒朝宗斬之以同州刺史劉公濟為

陝西通志 卷八十 紀事五

三

鄜坊節度使以玢為行軍司馬通鑑

憲宗元和元年春三月夏綏留後楊惠琳作亂伏誅

初韓全義入朝以其甥楊惠琳知夏綏留後杜元崇以全義出征無功以將軍李演為夏綏節度使惠琳勒兵拒之河東節度使嚴綬表請討之遣牙將阿跌光進及弟光顏將兵赴之夏州兵馬使

張承金斬惠琳傳首京師通鑑

冬十月梁州戍兵謀作亂節度使柳晟慰安之

十月以柳晟為山南西道節度使晟至漢中府兵討劉闢還未至城詔復遣戍梓州軍士怨怒脅監軍謀作亂晟聞之疾驅入城慰勞之曰汝曹何以得成功對曰誅反者劉闢耳晟曰闢以不受詔命故汝曹得以立功豈可復使他人誅汝以為功乎眾皆拜謝咸詣戍所軍府由是獲安通鑑

十年夏六月盜殺武元衡於都城

上悉以兵事委宰相武元衡李師道客曰天子所以銳意誅蔡者元衡贊之也請密往刺之元衡死則他相不敢主其謀爭勸天子罷兵矣師道資給遣之至是元衡入朝有賊自闇中射殺之取其顱骨而去又入通化坊擊裴度傷其首墜溝中度斃帽厚得不死京城大駭於是詔宰相出入加金吾騎士張弦露刃以衛之賊遺紙於金吾府縣曰毋急捕我先殺汝故捕賊者不敢過急而師道客竟潛匿亡去通鑑

冬十一月盜焚獻陵

十一月戊寅盜焚獻陵唐書憲宗本紀

十一年春正月盜犯建陵

正月甲申盜斬建陵門戟唐書憲宗本紀

陝西通志 卷八十 紀事五

三

夏五月宥州軍亂討平之

五月丁卯宥州軍亂逐其刺史駱怡夏綏銀節度使田緝敗之憲宗本紀○按宋白鑑注宥州治長澤本漢三封縣地

十三年冬十二月迎佛骨於鳳翔

元和十三年十二月庚戌僧惟應等辭赴鳳翔法門寺迎佛骨命高品中使杜英琦監焉是月癸卯命中使齋香監領宮人十三人赴臨臯驛迎佛骨先是功德使奏鳳翔府法門寺有護國正身塔塔內有釋迦牟尼佛指骨一節其本傳以為當三十年一開開則歲豐人安至來年合發詔許之及至又命中使領禁兵與僧徒迎護開光順門以納之留禁中二日乃送京城佛寺冊府元龜刑部侍郎韓愈上表切諫上怒將加極刑裴度崔羣言愈雖狂發於忠懇宜寬容以開言路乃貶潮州刺史通鑑

十五年秋八月帝如魚藻宮冬十月如華清宮十二月如城外校獵
是年閏五月
穆宗即位

九月辛丑觀競渡角觝於魚藻宮用樂十二月庚辰獵於城南壬
子擊鞠於右神策軍遂獵於城西甲申獵於苑北唐書穆宗紀上將幸
華清宮宰相率兩省官詣延英門三上表切諫皆不聽諫官伏門
下至暮乃退明日自上自複道出城幸華清宮獨公主駙馬中尉兵
千人扈從時還宮通鑑

穆宗長慶二年夏六月寇渭北

党項寇渭北掠官馬通鑑

冬十月帝如咸陽十一月如華清宮

長慶二年十月己卯帝由複道出城狩於咸陽即日還宮十一月

癸酉幸華清宮遂狩於驪山即日還宮冊府元龜

陝西通志 卷八十 紀事五

三

三年秋八月帝如興慶宮

上由複道幸興慶宮至通化門賜持孟僧絹二百匹因幸五方賜

從官金銀鈔有差舊唐書穆宗本紀

四年夏四月盜入清思殿中尉馬存亮討平之正月敬宗即位

夏四月丙申賊張韶等百餘人至右銀臺門殺閹者揮兵大呼進

至清思殿登御榻而食弓箭庫右神策軍兵馬使康藝全率兵入

宮討平之是日上聞變急幸左軍舊唐書敬宗本紀者蘇佐明與染坊

供人張韶善謂之曰我爲子一當升殿坐與我共食今主上晝夜

逸獵多不在宮大事可圖也部以爲然乃謀結染工無賴者百餘

人西兵於紫草車載以入有疑其重而詰之者韶急殺之斬關而

入先是右軍中尉梁守謙有寵每兩軍角伎上常佑右軍至是上

狼狽欲幸右軍以遠不能遂幸左軍左軍中尉馬存亮走出迎自

負上入軍遣大將康藝全將騎卒入宮討賊上憂二太后隔絕存

亮復以騎迎至軍韶升清思殿與佐明同食曰果如子言佐明驚

曰事至此耶韶懼而走藝全兵至擊殺之餘黨悉獲上乃還宮盜

所歷諸門監門宦者法當死詔並杖之使仍舊職存亮不自矜委

權求出監淮南軍綱目

敬宗寶曆元年夏五月帝如魚藻宮唐書敬宗本紀

五月庚戌觀競渡於魚藻宮

冬十一月帝如溫湯

寶曆元年十一月庚寅幸溫湯即日還宮舊唐書敬宗本紀初上欲幸驪

山溫湯左僕射李絳諫議大夫張仲方等屢諫不聽拾遺張權輿

伏紫宸殿下叩頭諫曰昔周幽王幸驪山而爲犬戎所殺秦始皇

幸驪山而國亡元宗宮驪山而祿山亂先帝幸驪山而享年不長

陝西通志 卷八十 紀事五

三

帝曰驪山若此之凶耶我宜一往以驗彼言幸溫湯還謂左右曰

彼叩頭者之言安足信哉綱目

二年春三月帝如魚藻宮

寶曆二年三月戊寅幸魚藻宮觀競渡已卯賜魚藻宮從官左右

神策中尉諸司使翰林學士等錦綵銀器有差冊府元龜

文宗太和四年春二月興元軍亂殺其節度使李絳

二月乙卯興元軍亂殺其節度使李絳唐書文宗本紀南蠻寇蜀道詔絳

募兵千人注赴不半道蠻已去兵還監軍使楊叔元者素疾絳遣

人迎說軍曰將收募直而還爲民士皆怒乃謀而入劫庫兵絳方

宴不設備遂握節登陴或言緹城可以免絳不從牙將王景延力

戰歿絳遂遇害幕府趙存約薛齊皆死事聞諫官崔戎等列絳冤

唐書李絳傳

命崔瑄等宣慰山南

太和四年二月興元三軍作亂節度使李絳及家並被處置訖會給事中崔瑄充山南西道宣慰使戶部員外郎嚴鑾為副又命使先義逸赴興元宣慰冊府元龜詔以溫造鎮興元討亂兵誅之

興元軍亂殺節度使李絳文宗以造氣豪嫉惡乃授檢校右散騎常侍興元尹山南西道節度使造辭赴鎮以興元兆亂之狀奏之文宗許以便宜從事造行至褒城會興元都將衛志忠征蠻迴謁見造郎留以自衛密與志忠謀又召亞將張丕李少直各諭其旨暨發褒城以八百人為衛隊五百人為前軍前軍入府分守諸門造下車置宴牙門造曰吾欲問新軍去住之意可悉前勞問既畢因令昇酒巡行酒匝未至者皆至牙兵圖之亦合坐卒詰以殺絳

陝西通志

卷八十 紀事五

壬

之狀志忠張丕夾階立拔劍呼曰殺圖兵齊奮其賊首教練使郎鑄等並官健千人皆斬首於地血流四注監軍楊叔元遽起求哀擁造靴以請命遣兵衛出之以俟朝旨勅旨流配康州其親刃絳者斬一百斷號令者斬三斷餘並斬首內一百首祭絳三十首祭王景延趙存約等並投屍於江舊唐書溫造傳

九年春二月浚曲江

二月丁亥發神策軍一千五百人修浚曲江如諸司要於曲江置亭館者宜給與閑地舊唐書文宗本紀

冬十一月李訓等謀誅中宦不克訓及舒元興王涯等皆死殺鄭注於鳳翔

鄭注先願訓藉以進及勢相埒輒寵爭功不兩立然方事未集乃出注使鎮鳳翔外為助援內實猜克待逞且殺之擢所厚善分總

陝西通志

卷八十 紀事五

壬

殺涯等惶懼易服出殺諸司史六七百人復分兵屯諸宮門捕訓黨千餘人斬四方館流血成渠俄而元興涯皆為兵所執涯實不知謀士良榜笞急乃自署反狀詔出衛騎千餘馳咸陽奉天捕亡者大索都城明日京城剽劫未止訓奔鳳翔為整厓將所執傳其首餘黨悉擒皆展斬梟首以徇唐書李王守澄死注奏言守澄國勢舊願身護喪因羣宦者臨送欲以鎮兵擒誅之訓畏注專其功乃先五日舉事注率五百騎至扶風聞訓敗乃還監軍張仲清用其將李叔和策訪注計事斬其首兵皆潰去鄭注

開成三年春正月京城大索

正月甲子宰臣李石遇盜於觀仁里中劍斷其馬尾又中流矢不甚傷是時京城大恐捕盜不獲既而知仇士良所為乙丑常參官入朝者九人而已餘皆潛竄累日方安舊唐書文宗本紀